



KIROL-ZERBITZUEN ERREGELAMENDU OROKORRA

LEHEN TITULUA XEDAPEN OROKORRAK

» 1. artikulua.

Lasarte-Oriako Udalaren Kiroletako Zerbitzuaren xede nagusia Lasarte-Oriako herritar orori kirola praktikan jartzeko aukera ematean datza. Horretarako, kirola garatu nahi du, kirol hitzaren esanahi zabalenaekin.

» 2. artikulua.

Erregelamendu honen helburua erabiltzaile edo bezeroen eskubideak eta obligazioak eta Udalaren kirol-instalazioak erabiltzeko kondizioak erregelatzea da.

» 3. artikulua.

Lasarte-Oriako Udalaren Kiroletako Zerbitzuak beretzat erreserbatzen du erregelamendu hau argitzeko, aldatzeko edo garatzeko xedapenak edo ebazpenak emateko eskubidea. Erregelamendu hau eta gainerako arau bereziak (ordutegiak, prezio publikoak, etab.) jendearen esku egongo dira, haren bulegoetan eta instalazio bakoitzaren harrerako lekuan.

» 4. artikulua.

Kirol-instalazioak erabiltzeko eskubidea dute pertsona, ikastetxe, kirol-entitate guztiek, baita beren helburuen artean kirolaren praktika sustatzea eta garatzea daukaten beste entitate guztiek ere, betiere instalazioetara sartzeko baldintzak betetzen badituzte.

Buruntzaldeko Kirol Zerbitzuen lankidetzako hitzarmena sinatua duten udalerrietako kirol-instalazioetako abonatuak eskubidea dute Lasarte-Oriako Udalaren kirol-instalazioak erabiltzeko.

Abonatu horiei instalazio bakoitzaren erregelamenduan jasota dauden eskubide eta betebeharrak aplikatuko zaizkie.

Era berean eta aldi jakin batzuetan, instalazioak kirola ez den beste erabilera batzuetara destinatu ahalko dira, betiere bakoitzeko baldintza partikularrak betetzen badituzte.

» 5. artikulua.

Urtero, Udalbatzarrak onetsiko ditu eskainiko diren kirol-zerbitzuen prezio publikoak edo tasak. Behin prezio publikoak edo tasak onetsitakoan, horiek argitaratzeko eta ezagutarazteko hartu behar diren neurriak hartuko ditu Udalaren Kirol-Zerbitzuak.

BIGARREN TITULUA ERABILTZAILEAK

» 6. artikulua.

Erabiltzaile mota hauek bereizten dira:

1. Abonatuak.
2. Abonatu gabeak.
3. Kirol-entitateak.
4. Ikastetxeak.

1. KAPITULUA: ABONATUAK

» 7. artikulua.

1. Edozein abonatu motaren onuraduna den pertsona oro izango da abonatua.
2. Abonatuak, oro har, familiakoak edo norbanakoak izan daitezke. Abonatua izateko, eskatu egin behar da eta dagokion prezio publikoa edo tasa ordaindu. Hala ere, horrek ez ditu baldintzatuko Udaleko organo eskudunak onesten dituen aplikatzeko hobariak.
3. Familiako abonatuak onuradun hauek biltzen ditu: Ezkontideak, aitak edo amak, 18 urtez beherako seme-alabak eta diru-sarrerarik sortzen ez duten 18 urtetik 25 urtera bitartekoak (azken horien egoera justifikatzeko, enplegua eskatzeko txartelaren kopia edota ikasketen matrikularen justifikagiria aurkeztuko da). Etxebizitza berean erregistratutako eta erroldatutako izatezko bikoteek familiako abonua egin ahalko dute. Familiako kide bakoitzak txartel pertsonala izango du.
4. Abonatu-txartela pertsonala eta transferiezina izango da.
5. Abonatu-txartela galduz gero, berehala jakinarazi beharko zaio Udalaren Kirol-Zerbitzuari. Hark txartel berria egingo du, aldez aurretik horretarako ezarritako prezio publikoa edo tasa ordainduta.
6. Abonatu izateari utzi nahi dionak jadaneko urteko abenduaren 10a baino lehen adierazi beharko du Udalaren Kirol Zerbitzuaren bulegoetan. Horrela egiten ez badu, hurrengo urtean ere abonatu izaten jarraitu nahi duela ulertuko da.
7. Abonatuaren prezio publikoaren edo tasaren ordainketa banketxeren batean domiziliatuz edo banku-txartelarekin Udalaren Kirol Zerbitzuaren bulegoetako kutxan

pagatuz egin daiteke, eta orobat Udalaren Kirol Zerbitzuaren kontuan dirua sartuz (Udalaren Kirol Zerbitzuak horretarako adierazitako edozein banketxetan).

8. Abonuaren kuotari dagozkion erreziboak itzuliz gero edo abonauk ezarritako epean ordaintzen ez badira, abonaturi automatikoki emango zaio baja.

2. KAPITULUA: ABONATU GABEAK

» 8. artikulua.

1. Abonatuak ez diren erabiltzaileek kirol-instalazioetara eta haietako zerbitzuetara sartzeko aukera izango dute, erabili nahi duten zerbitzurako ezarritako prezio publikoa edo tasa saio bakoitza hasi aurretik ordainduta.

2. Instalazioetara sartzeko prezio publikoak edo tasak ezberdinak izango dira 18 urtetik beherakoentzat eta gorakoentzat.

3. KAPITULUA: KIROL-ENTITATEAK.

» 9. artikulua.

1. Legez eraturako kirol-entitateak eta aldi berean Euskal Herriko Kirol Entitateen Erregistroan edota Udalaren Kirol Zerbitzuaren kirol-entitateen zerrendan ageri direnak izango dira Udalaren Kirol Zerbitzuaren aurrean lehiaketazko kirolaren baliozko ordezkari bakartzat hartuko direnak.

2. Udalaren Kirol Zerbitzuko instalazioak erabiliko dituzten kirol-entitateetako kirolariek zerbitzuko abonatuak beharko dute izan, horretarako ezarritako kondizioen arabera.

3. Aurreko baldintza horiek betetzen dituzten kirol-entitateek erabili ahaliko dituzte Udalaren Kirol Zerbitzuaren instalazioak beren jarduerak egiteko, betiere Udalaren Kirol Zerbitzuak ezarritako baldintzak betetzen badira.

4. Jardueretako orduen banaketa Udalaren Kirol Zerbitzuaren zuzendaritzarekin egingo den bilera baten bidez edo hitzarmen bidez erabakiko da.

5. Udalaren Kirol Zerbitzuak kirol-entitateen jarduerak eten ahaliko ditu, arrazoi justifikaturen bat badago. Kasu horretan, aldeztu aurretik jakinaraziko die.

6. Lehiaketa ofizialetarako, kirol-entitateek idatziz aurkeztu beharko dute egingo dituzten jardueren egutegia, behar adinako denborarekin.

7. Entrenamenduetarako eta lehiaketa ofizialetarako ordutegiak kirol-instalazioek berek dauzkaten jarduera eta ordutegietara moldatu beharko dira. Ordu horiek denboraldi baterako iraupena izango dute eta ez dute antzinasuneko eskubiderik sortuko.

8. Hasteko orduak ez dira hamabost minutu baino gehiago atzeratu beharko, betiere kausa instalazioarena ez bada. Atzerapena gertatuz gero, posible da ebentua suspenditzea, baldin eta gertatutako atzerapenak kalte larria badakarkio gainerako programazioari. Atzerapen horiek sortutako gastuak entitate antolatzailearen kontura joango dira.

9. Kirol-entitateek antolatutako kirol-ekintzen erantzukizun zibila berena izango da. Horretarako, dagokion erantzukizun zibileko aseguruia kontratatu beharko dute, gutxienez 300.000 euroko estaldura duena, eta indarrean dagoela eta nahikoa dela justifikatu beharko dute.

10. Kirol-entitateek udalaren kirol-instalazioetan publizitatea jarri nahi badute, horretarako baimena eskatu behar dute. Baimena jasoz gero, kontrako erabaki berezirik izan ezean, ondoko irizpide hauek bete beharko dituzte:

a) Joko-esparrua eta haren ingurua dira publizitate jartzen uzten den leku bakarra, eta lehiaketa ofizialetarako bakarrik jar daiteke.

b) Klubak, beren publizitatea ipintzeko, horretarako dituzten gunetara sartu ahalko dira, eta lehiaketa ofizialerako erreserba egin zutenean adostutako denboran bakarrik ipini ahalko dute.

c) Publizitatea ipintzeko eta kentzeko lana entitatearen kontura izango da, eta lan hori jokalekua, hormak edo pintura hondatu gabe egingo du.

d) Publizitateak itxura onen eta estetikaren arau gutxienerako batzuk bete beharko ditu. Bestalde, alkoholaren eta tabakoaren gaineko arauak ere bete beharko dituzte, bai eta ikuskizun publikoekin lotutako beste edozein arau ere.

11. Kirol-entitate batekoa den edozein taldek ezingo du instalazioa erabili baldin eta taldeaz arduratuko den pertsona heldurik bertan ez bada.

4. KAPITULUA: IKASTETXEAK

» 10. artikulua.

1. Lasarte-Oriako ikastetxeek, instalazioen ordutegiaren barruan sartzen zaizkien eskola-orduetan, prezio publikorik edo tasarik ordaindu gabe eta ezartzen diren kondizioetan erabili ahalko dituzte Udalaren Kirol Zerbitzuaren instalazioak.

2. Ikasle-taldeek, instalazioetara sartuko badira eta haiek erabiliko badituzte, ikastetxeak izendatutako arduradun batek lagundurik joan beharko dute.

3. Eskola-kiroleko jarduerak udalaren kirol-instalazioak erabiltzeko aukera izango dute, horretarako zehazten diren kondizioetan.

4. Eskola-umeen lehiaketak direnean, antolatzaileek idatziz aurkeztu beharko dute egingo dituzten jardueren egutegia, behar adinako denborarekin.

HIRUGARREN TITULUA KIROL-JARDUERAK

1. KAPITULUA: XEDAPEN OROKORRAK

» 11. artikulua.

1. Udalaren Kirol Zerbitzuak, bere ahalen arabera, populazioaren segmentu guztietan kirol-praktika garatzera bideraturiko kirol-jarduerak antolatuko ditu urtero.
2. Aipatutako kirol-jarduera horien helburu nagusia erabiltzaileen ahalik eta satisfaziorik handiena lortzea izango da.
3. Kirol-jardueren programazioa ahalik eta modu efikazenean hedatuko du Udalaren Kirol Zerbitzuak.
4. Kirol-jarduerak prezio publiko edo tasei lotuak egongo dira. Ikastaroetako partaideek pase bat jasoko dute, izaera hori egiaztatuko diena.
5. Kirol-jarduerak, garatu ahal izateko, inskribatuen gutxieneko eta gehieneko kopurua izango dute, eta, ezarritako kopuru minimora heltzen ez bada, jarduera ez da emango.
6. Edozein mementotan, kirol-jarduera batean plazarik geratzen bada, izena emateko aukera izango da, baina inskripzio hori jarduera bukatu artekotzat joko da.
7. Jarduera baten prezio publikoa edo tasa ordaintzeke uzteak bertan automatikoki baja ematea ekarriko du.
8. Udalaren Kirol Zerbitzuak edozein erabiltzailereri eskatu ahalko dio, kirol-jarduera batean izena eman baino lehen, kirola praktikatzeko gaitasuna duela egiaztatuko duen azterketa medikoa egiteko.
9. Udalaren Kirol Zerbitzuaren zuzendaritzak, arrazoi justifikaturen bat badago, kirol-jarduera bat aldi baterako edo betiko eten dezake. Horrelakorik gertatuz gero, itzuli egingo du ordaindutako kopuruetatik emango ez den aldiari dagokion zenbatekoa.

LAUGARREN TITULUA INSTALAZIOETARA SARTZEKO ETA INSTALAZIOAK ERABILTZEKO ARAU OROKORRAK

» 12. artikulua.

1. Instalazioetara sartzeko, aldez aurretik, abonatu-txartela edo txartel hori baduela dioen egiaztagiria aurkeztu behar da, sartzeko dagoen prezio publikoa edo tasa ordaindu behar da edo ikastaroren bateko partaide-txartela erakutsi behar da.
2. Instalazioen kontrolerako dagoen edozein enplegatuk eska dezake agiri horiek erakusteko.

3. Debekatua dago baloiekin, pilotekin edota beste edozer gauzarekin jolastea aldageletan, korridoreetan, harmailetan eta kirola egiteko ez den beste edozein lekutan. Erabilia izateko ordutegia finkatua duen kirol-eremua utzi egin beharko da behin ordua bete denean, horretarako baimen espresik izan ezean. Erabileraren amaiera instalazioaren itxierarekin batera gertatzen denean, ixteko ordua baino gutxienez 10 minutu lehenago bukatuko da saioa.

4. Instalazioetan lehiaketak eta ikuskizunak egiten diren bitartean haietara joandako publikoak egin dezakeenaren erantzukizuna entitate antolatzaileen gain geratuko da.

5. Doloagatik, arduragabekeriagatik edo erabilera txarragatik instalazioetan gertatzen den edozein narriadura edo haustura instalazioak erabiltzeko erreserba egin duen pertsonaren edo entitatearen kontura joango da. Kalte horiek lehiaketa ofizialetan gertatzen badira, dagozkien federazioari eta klubari jakinaraziko zaizkie, eta entitate kontratatzailea izango da egindako kalteen erantzulea.

6. Udalaren kirol-instalazioak erabiltzean, beti jantzi beharko dira kirola egiteko arropa eta oinetako espezifikokoak (ez kalekoak), haietako bakoitzaren espezifikotasuna errespetatuz. Kirolerako ez den arropa jantzita ibiltzeko, baimen berezia beharko da. 7. Udalaren kirol-instalazioen erabiltzaileek aldageletako armairuetan gordeko dituzte beren gauzak kirola egiten ari diren bitartean. Behin kirol-jarduera amaitutakoan, armairuak libre geratu beharko du.

8. Udalaren kirol-instalazioen barruan debekatua dago erretzea, jatea edo beirazko gauzak sartzea, horretarako seinatuak dauden zonetan izan ezean. Debekatua dago instalazioetan animaliak sartzea, aldageletatik kanpo jantztea edo erantztea, sexu bateko pertsonak beste sexukoentzat eskusiboki erreserbatutako guneetara sartzea (6 urtetik aurrera) eta osasuneko, gizalegeko, higieneko eta garbitasuneko arauen kontra eta intimitatearen kontra doan beste edozein jokabide.

BOSGARREN TITULUA ERABILTZAILEEN ESKUBIDEAK ETA OBLIGAZIOAK

1. KAPITULUA: ESKUBIDEAK

» 13. artikulua.

Abonatu guztiek, aldezturik abonatu-txartela aurkeztuta, ondoko eskubide hauek izango dituzte:

1. Udalaren Kirol Zerbitzuaren instalazioetara libreki sartzea, kasu bakoitzean zehazten diren mugekin eta orduetan.

2. Kuota murriztua edukitzea Udalaren Kirol Zerbitzuak antolatzen dituen kirol-jardueretan inskribatzean eta matrikulatzean.

» 14. artikulua.

Abonatuak ez diren guztiek, ezarritako prezio publikoa edo tasa ordainduz gero, Udalaren Kirol Zerbitzuaren instalazioak erabiltzeko eskubidea izango dute, betiere publikoarentzat zabalik dauden orduen barruan.

» **15. artikulua.**

Erabiltzaile guztiek ondoko eskubide hauek dituzte:

1. Lasarte-Oriako Udalaren Kirol Zerbitzuak eskaintzen dituen zerbitzu guztiak erabiltzea, bakoitzerako dagoen araudiaren arabera.
2. Edozein unetan instalazioetako zerbitzuetako arduradunaren edo edozein enplegaturen izena eskatzea, egoki deritzen erreklamazioak edo iradokizunak egite aldera.
3. Udalaren Kirol Zerbitzuko enplegatuen aldetik tratu egokia jasotzea.
4. Udalaren Kirol Zerbitzuari haren instalazioen edo zerbitzuen gaineko edozein zalantza, iradokizun edo erreklamazio planteatzea.
5. Horrela eskatzen badu, honako erregelamendu honen ale bat jasotzea.
6. Udalaren Kirol Zerbitzuari emandako datu pertsonalak babestea, indarrean dagoen araudian ezartzen duenaren arabera.
7. Indarrean dagoen legedian jasotako beste edozein eskubide.

2. KAPITULUA: BETEBEHARRAK

» **16. artikulua.**

Abonatu eta erabiltzaile guztiek, oro har, honako betebeharrak hauek dituzte:

1. Instalazioak eta zerbitzuak erregelamendu honetako arauen arabera eta berau garatzen duten xedapenen arabera erabiltzea eta instalazioetako pertsonalak haien erabileraz esandakoari jaramon egitea. Horrela eskatuz gero, instalazioetara sartzeko eta horiek erabiltzeko akreditatzen duen dokumentazioa aurkeztu beharko dute.
2. Instalazioak eta bertako ekipamendua ondo zaintzea. Arduragabekeriagatik edo doloagatik gertatutako edozein kalteren erantzukizuna arduragabeki edo doloz jokatu duenarena izango da.
3. Beste erabiltzaileen eskubideak oro har errespetatzea.
4. Ezarritako tasak edo prezio publikoak beren garaian ordaintzea.

5. Udalaren Kirol Zerbitzuko langileak jakinaren gainean jartzea funtzionamenduan okerren bat badago, zerbait apurtu edo falta bada edo erregelamendu honetan xedatutakoa bete ez bada.

6. Instalazioetan gizalegez portatzea eta bertako enplegatuei lana erraztea.

7. Indarrean dauden legeetan jasotako eta erregelamendu honetan ezarritako beste edozein betebeharrak.

SEIGARREN TITULUA

KIROLERAKO EKIPAMENDUAK ERABILTZeko ARAUAK

1. KAPITULUA: IGERILEKU ESTALIAK

» 17. artikulua.

Instalazio hau erabiltzearen xedea erabiltzaileek ariketa fisikoa egitea eta atsegin hartzea da, baia halaber igeri egiten ikastea edo dakitena hobetzea. Era berean, elkarrekin eta kirol-klubek ere erabiliko dute, beren jarduera espezifikoak garatzeko.

Igerian behar bezala ez dakienari edo kontuz ibiltzen ez denari igerilekuan istripuren bat gertatzen bazaio, ez da Udalaren Kirol Zerbitzuaren erantzukizuna izango. Horregatik, debekatua geratzen da 8 urte baino gutxiagoko haurrak sartzera (Udalaren Kirol Zerbitzuak berak antolatutako programa edo ikastaroetako partaideak izan ezik), pertsona heldu batek lagundurik ez badoaz. 19:00etatik aurrera, 16 urte baino gutxiagokoek debekatua dute sartzera, pertsona heldu batek lagundurik ez badoaz.

Udalaren Kirol Zerbitzuak programatuko du igerilekuko kaleak nola banatzen diren, eta ondoko ikusteko moduan seinalatuko ditu, betiere han garatzen diren jarduerak errespetatuz: bainu librea, ikastaroak, klubak jarduerak eta programak eta egokitzen jotzen den beste edozein jarduera.

Eusko Jaurlaritzako Osasun eta Kontsumoko Sailak indarrean daukan araudiak dioena betetze aldera, erabiltzeko erregelamendu hau ezartzen da:

1. Igerilekua zabalik dagoen bitartean, beti egongo da behar bezalako titulazioa duen sorosle bat. Soroslea bera da igerilekuko arduraduna; horregatik, obeditu egin behar dira pertsona horren erabakiak.

2. Igeri egiteko ontzietan, gehien jota, 128 lagun ibili ahalko dira aldi berean, eta instalazio osoan 375 lagun.

3. Instalazio honetara sartzeko, nahitaezkoa da aurretik dutzatzea.

4. Nahitaez jantzi beharrekoak dira igeriketako txanoa, igeriketako jantzia eta txankletak edo uretako zapatilak (horretarako espresuki eramanak).

5. Guztiz debekatuta dago bainatzeko eremura kaleko arroparekin edo oinetakoekin sartzera.

6. Erabat debekatuta dago instalazio honetan erretzea, edatea edo jatea.
7. Erabat debekatuta dute bainatzeko eremura sartzea azaleko gaixotasun kutsakorren bat duten pertsonen.
8. Instalazio honetan, errespetatu egin beharko dira gainerako erabiltzaileak, eta, bereziki, ezingo da: igerilekuko zabaltzan korrika ibiltzea, jolas arriskutsuetan ibiltzea, kortxo-ilareei heltzea edo haietan esertzea, abiadako plataformetatik salto egitea eta igerilekuan zabaletara igeri egitea.
9. Kirolean aritzeko materialen bat behar duten pertsonen sorosleari eskatu beharko diote. Baimena jasoz gero, behin erabiltzen amaitutakoan, materiala sorosleari itzuliko zaio.
10. Igerian egiteko, ezin da hegatsik erabili, ez eta ondoko igerilariei min egin diezaiekeen elementurik ere. Salbuespen dira kirol-entrenamenduak, ikastaroak eta sorosleak beste erabiltzaileen jardun normala asaldatzen ez duela deritzon.

2. KAPITULUA: GIMNASIOAK

» 18. artikulua.

1. Gimnasioetan Udalaren Kirol Zerbitzuak antolatutako edo baimendutako jarduera bat egiten denean, monitoreak eta garatzekoa den jardueran izena emana dutenak soilik sartu ahalko dira barrura.
2. Saio bakoitza bukatu ondoren, erabilitako materiala bere lekuan utzi beharko da.

3. KAPITULUA: FITNESSSEKO ARETOA

» 19. artikulua.

1. Beharrezkoa da instalazio horietan toaila erabiltzea, erabiltzaile bakoitzak bere izerdia garbitzeko.
2. Debeekatuta dago fitnessseko aretora janaria eramatea edo beirazko gauzak sartzea, eta aldageletako armairuetan utzi behar dira poltsak, motxilak, arropa, oinetakoak...
3. Kontuan izanda zer lesio-arrisku dakarren berekin aparatuak erabiltzeak, bai duten pisuagatik, bai duten konplexutasunagatik, debekatua dute 16 urtetik beherakoek areto horretara sartzea. Hala ere, zuzendaritzaren baimen berezia dutenek erabili ahalko dute areto hori.
4. Materiala erabili ondoren, bere tokian utzi behar da.
5. Udalaren Kirol Zerbitzuaren pertsonal teknikoak programa indibidualak prestatuko dizkie hala eskatzen duten erabiltzaileei. Aurrez, ezarritako prezio publikoa edo tasa ordaindu behar dute.

6. Erabiltzaile guztiek aparatuak erabiltzeko aukera izan dezaten, oro har, aparatu kardiobaskularrak erabiltzeko gehieneko denbora 20 minutu izango da.

4. KAPITULUA: KIROL-PISTAK, FRONTOIAK ETA SQUASHAK

» 20. artikulua.

1. Kirol-pistetan, frontoietan eta squashtan, debekatua dago zorua zikintzen, markatzen edo hondatzen duten zapatilak erabiltzea. Era berean, debekatua dago espazio horiekin zerikusirik ez duten beste kirol-modalitate batzuetako tresnekin jokatzeari, non eta zuzendaritzak baimendutakoak ez diren.

2. Kirol-espazio horietako berezko kirol-jarduerak sustatzen dituzten kirol-entitateek lehentasuna izango dute horien erabileran. Behin entitateen ordutegiak finkatutakoan, libre geratzen diren orduak edozein erabiltzailek erreserbatu ahalko ditu.

5. KAPITULUA: SAUNAK

» 21. artikulua.

1. Saunako zerbitzua 16 urtetik gorako erabiltzaileentzat da. Hortik beherakoek ezingo dute erabili, pertsona heldu baten ardurapean ez bada.

2. Ordutegi aldetik ahalbide mugatua dutenez gero, orduen txandak ezar daitezke.

3. Nahitaezkozat ezartzen da saunan sartu baino lehen duxatzea eta toaila erabiltzea han barruan esertzeko edo etzateko. Debekatua dago saunara kaleko jantziekin eta edozein eratako oinetakoekin sartzea.

4. Gorputzetik metalezko gauza guztiak kendu behar dira: belarritakoak, eskumuturrekoak, eraztunak, lepokoak... Saunako saioak gehienbat biluzik egingo dira.

5. Gorputzeko higieinarekin zerikusi estua duen zerbitzua izanik, hori zaintzeko hartu behar diren neurri guztiak zorrotz hartzea gomendatzen da.

6. Jokabide zuzena zaindu behar da, beste erabiltzaileei ez eragozteko. Debekatuta dago telefono mobilak erabiltzea.

7. Gorputzaren tratamenduko barrutian, debekatua dago bizarra moztea, jatea, ura ez den beste edozer edatea, erradiadoreetan lozioak botatzea eta ilea tindatzea.

8. Aldian behin, garbiketa bereziak egiteko, sauna itxi egingo da. Aldez aurretik emango zaie erabiltzaileei horren berri.

6. KAPITULUA: ATLETISMOKO PISTA

» 22. artikulua.

1. Zoru sintetikoan ariketak egiteko, atletismoarekin zerikusia duten materialak soilik erabili ahalko dira; baloiarekin jokatzeko aukera ere izango da.
2. Entrenamenduetarako materialak erabiltzen dituzten klubek, entrenamendua amaitutakoan, materiala bere biltegietan utzi beharko dute.
3. Udalaren Kirol Zerbitzuak behar bezala arautuko ditu jaurtiketen entrenamenduak (xabalina, pisua, diskoa eta mailua), erabiltzaile guztientzat segurtasuna bermatzeko irizpideekin.
4. Atletismoko txapelketa bat antolatzen denean, Udalaren Kirol Zerbitzuak murriztu egingo du instalazioaren erabilera.

7. KAPITULUA: BELAR ARTIFIZIALEKO FUTBOL-ZELAIK

» 23. artikulua.

1. Belar artifizialeko zelairako egokiak diren oinetakoak erabili beharko dira. Lehiaketa ofizialak direnean, beste ekipoetako jokalariei arau horren berri emango zaie.
2. 7nakako futboleko lehiaketetarako ateak jarri edo kendu nahi direnean, ezingo dira arrastaka eraman edo ekarri.
3. Zelaian debekatua dago erretzea edota zelaia zikintzen edo hondatzen duten janariak jatea (pipitak, gozokiak).
4. Anomaliaren bat ikusiz gero, atezaintzan jakinarazi behar da.

8. KAPITULUA: TENISEKO PISTAK

» 24. artikulua.

1. Erabiltzaileek pistako giltza atezaintzan jaso beharko dute, eta leku berera bueltatu beharko dute behin jarduera amaitutakoan.

9. KAPITULUA: KIROL-MEDIKUNTZAKO ZERBITZUA.

» 25. artikulua.

1. Kirol-medikuntzako zerbitzua banakako erabiltzaileek, elkarteek eta kirol-klubek eta ikastetxeek baliatu ahalko dute, hala eskatuz gero.
2. Zerbitzu hori erabiltzeko, aurrez deitu eta ordua hartu beharko da.

ZAZPIGARREN TITULUA ERRESERBAK EGITEKO ARAUDIA

1. KAPITULUA: KIROLEAN ARITZEKO ERRESERBEN ARAUDIA.

» 26. artikulua.

1. Kirol-pistak, frontoiak, squashak, teniseko pistak eta futboleko zelaiak erreserbatu ahalko dira.
2. Udalaren Kirol Zerbitzuak, behin udalerriko ikastetxeekin eta kirol-entitateekin instalazioak erabiltzeko ordutegiak adostutakoan, libre geratu diren orduak beste erabiltzaile batzuek baliatzeko xedatu ahalko ditu.
3. Udalaren Kirol Zerbitzuak, beharrezkoa gertatzen bada, instalazioak erreserbatzeko zozketa iragarriko du. Zozketan parte hartzeko eskaerak horretarako jarritako eguna eta ordua baino lehen egin beharko dira.
4. Zozketa bidez erreserbatzen ez diren instalazioetako orduak zuzenean izena emanda alokatu ahalko dira.
5. Urteko erreserben ordainketa edozein banketxetan domiziliatutako erreziboaren bitartez egingo da.
6. Instalazio guztien urteko erreserbak Udalaren Kirol Zerbitzuaren bulegoetan egingo dira; noizbehinkakoak, berriz, erabili nahi den instalazioan bertan.
7. Justifikatutako kasuengatik denean, Udalaren Kirol Zerbitzuak inoizka erreserba eten ahalko du; horrelakoetan, erabiltzaileei itzuli egingo zaie ordaindutako zenbatekoa.
8. Ikuskizun publikoen araudiaren mende dauden kirol-jarduerak 27. artikuluan jasotako arauak diotena bete beharko dute.

2. KAPITULUA: KIROLA EZ BESTE ZERBAITETAN ARITZEKO ERRESERBEN ARAUDIA.

» 27. artikulua.

Ikuskizun publikoei buruzko araudiaren mende dagoen jardueraren bat antolatzeko Udalaren Kirol Zerbitzuko instalazioak erreserbatu nahi izanez gero, honako arau hauek bete beharko dira:

1. Dagokion eskabidean, eskatzailearen datuez gain, jarduerari buruzko datu garrantzitsuenak ere adierazi beharko dira, hala nola nork parte hartuko duen, zenbatsu iraungo duen... Eskabidea gutxienez hilabete lehenago egin beharko da.

2. Eskaerari baiezkua ematen bazaio, jarduerako eguna baino gutxienez hamabost egun lehenago, eskaeragileak ondoko hauek egin beharko ditu:

- a) Dagokion instalazioaren zesioko kontratua sinatu.
- b) Eskatutako instalazioaren ardura duen pertsonarekin bilera tekniko bat egin.
- c) Dagokion tasa edo prezio publikoa ordaindu.
- d) Ebentuaren ondoriozko erantzukizun zibila bere gain hartuko duen aseguru-poliza bat aurkeztu, kasu bakoitzean ezartzen den kopurukoa.
- e) Udalaren Kirol Zerbitzuak ezartzen duen bermea depositatu, instalazioak ondo zainduko direla ziurtatzeko.

Udalaren Kirol Zerbitzuaren instalazioak erabiltzeko baimena duten pertsona edo entitateek ikuskizunen arloan aginduzkoak diren baimenak lortu beharko dituzte. Baimena badutela egiaztatzeko, horren kopia entregatu beharko diote Udalaren Kirol Zerbitzuari, gutxienez jarduerako eguna baino bost egun lehenago; horrez gain, jardueraren beraren emergentziako planaren kopia ere entregatu beharko da, halakorik behar izanez gero.

3. Erabiltzeko zesioa kontratatutako jarduera egiteko izango da; zesioaren barruan sartzen da, beraz, lehenago edo geroago probasaiotarako edo muntalanetarako erabiltzea, eta hori guztia Udalaren Kirol Zerbitzuarekin partikularki hitzartuko da.

4. Instalazioak erabilitakoan, hasieran zeuden bezalaxe utzi beharko dira.

5. Udalaren Kirol Zerbitzuaren instalazioetan ikuskizun publikoak antolatzekeo baimena duten pertsona edo entitateek honako betebeharrak izango dituzte:

- a) Esparruan dauden iragarkiak errespetatzea.
- b) Ikuskizuna antolatzeak dakartzan gastuak bere gain hartzea.
- c) Ikuskizuna muntatzeko, segurtasuna bermatzeko, sarbideak kontrolatzeko eta ikus-entzuleak kokatzeko behar den pertsonala kontratatzea.
- d) Baimenik gabeko ibilgailuetatik eta era guztietako oztopoetatik libre mantentzea segurtasuneko zona eta larrialdietako irteerak.
- e) Esparrua eta kanpoaldeko segurtasuneko eremua inolako saltokirik gabe mantentzea.
- f) Jendea esparrura sartzeko ateak dena delako jarduera hasi baino gutxienez ordu eta erdi lehenago irekitzea.

ZORTZIGARREN TITULUA SANTZIOAK

» **28. artikulua.**

Erregelamendu honetan seinalatutako arauak ez betetzea santzinoa merezi duen arau-haustea izango da.

» **29. artikulua.**

Instalazioetako arduradunek ahalmena dute behar den jokabidea ageri ez duten pertsoneri ohartarazteko eta, hala egin behar izanez gero, baita instalazioetatik kanpora botatzeko ere.

» **30. artikulua.**

Udalaren Kirol Zerbitzuaren instalazioak erabiltzen dituztenek jaramon egin behar diote hango pertsonalak esandakoari, instalazioak eta kirol-materialak berezko duten xedearen arabera erabiliz eta pertsona edo ondasunei egin dakizkiekeen kalteei erantzunez.

» **31. artikulua.**

Erabiltzaile guztiak onartzen du kirola praktikatzeko dakarren arriskua.

Udalaren Kirol Zerbitzuko instalazioak erabiltzearen kariaz gerta daitezkeen kalteak ezingo zaizkio leporatu, ezta ordainik eskatu ere, ez Udalaren Kirol Zerbitzuari, ez Udalari, salbu eta instalazioen ardura duen pertsonalaren erruz edo arduragabekeriak gertatuak badira, baldin halakorik bada, edo kausazko erlazioa badute instalazioen edo materialaren egoera txarrarekin.

» **32. artikulua.**

Udalaren Kirol Zerbitzuko pertsonalak esandakoari jaramonik egiten ez dionak edo esandakoaren kontrakoa egiten duenak edota instalazioak eta materialak haien xedearekin bat ez datorren beste zerbaitetarako erabiltzen dituenak, bai eta, oro har, lokaletan edo instalazioetan kalteren bat egiten duenak ere, egindako kalteari dagokionak pagatzeaz gain, infrakzioen eta santzioen ondoko sailkapen honen araberrako santzinoa jasoko du:

-

Hutsegite oso larriak:

- Instalazioetan, Udalaren Kirol Zerbitzuaren edo beste erabiltzaile batzuen ondasunak ebastea.
- Arauak ez betetzeagatik, lokaletan, instalazioetan edo materialetan 300 euro baino gehiagoko balioko kalteak egitea.
- Beste erabiltzaileei edo Udalaren Kirol Zerbitzuko pertsonalari eraso edo irain egitea; pertsonen ohorearen edo intimitatearen aurkako erasoak eta eskandaluak egitea.

- Hutsegite larriak berriro egitea.
- Abonatu-txartelak beste batzuei lagatzea edo faltsifikatzea instalazioetara sartzeko.

Hutsegite larriak:

- Udalaren kirol-instalazioetan desordena publikoak kausatzea, betiere oso larriak ez badira.
- Arauak ez betetzeagatik, lokaletan, instalazioetan edo materialetan 60 eta 300 euro bitarteko balioko kalteak egitea.
- Beste erabiltzaileekin edo Udalaren Kirol Zerbitzuko pertsonalarekin begirunerik ez izatea.
- Hutsegite arinak berriro egitea.
- Araudi higieniko-sanitarioa ez betetzea.

Hutsegite arinak:

- Arauak ez betetzeagatik, lokaletan, instalazioetan edo materialetan 60 euro baino gutxiagoko balioko kalteak egitea.
- Udalaren Kirol Zerbitzuko pertsonalak esandakoa ez betetzea.

Egindako kalteen zenbatekoak bost urtez behin eguneratuko dira.

SANTZIOAK

Infrakzio oso larriak:

- Bi urtetik gehienez laura bitarteko epean, abonatu izateari uztea eta/edo instalazioak ezin erabili izatea.

Infrakzio larriak:

- Hilabete batetik bi urtera bitarteko epean, abonatu izateari uztea eta/edo instalazioak ezin erabili izatea.

Infrakzio arinak:

- Gehienez hilabete bat arteko epean, abonatu izateari uztea eta/edo instalazioak ezin erabili izatea.

» 33. artikulua.

1. Instalazioak erabiltzean infrakzioa Buruntzaldeko Udaletako Kirol Zerbitzuen lankidetzako hitzarmenean partaide den beste udalerrri bateko abonatu batek egiten

duenean, santzioa ezartzeko tramitazioa infrakzioa gertatu den lekuko udalaren organoak egingo du.

2. Santzioaren erabakiaren berri, bai arau-hausleari, bai hitzartuta dauden Buruntzaldeko gainerako udaletako Kirol Zerbitzuei emango zaie, jakinaren gainean egon daitezen eta berehala aplikatu dezaten.

3. Erregelamendu honen xedeko kirol-instalazioak inolaz ere ezingo dituzte erabili honako xedapen hauetan erregulatutako kirol-instalazioen erabilerari edo entitate honekin hitzartuak dauden kirol-instalazioen erabilerari dagokion araudia ez betetzeagatik santzionatuak izan diren pertsonak.

4. Aurreko debeku hori agintari eskudunak ezarritako santzioa betetzen den bitartean egongo da indarrean.

5. Entitate honek edo beronekin hitzartuak dauden entitateek kautelaz suspendituta aurkitzen diren pertsonak ere ezingo dituzte instalazioak erabili.

» **34. artikulua.**

Araudi honetan jasotako santzioak ezartzeko, Euskadiko Komunitate Autonomoko administrazio publikoen santzionatzeko ahalmenaren gaineko 2/1998 lege otsailaren 20koak dioena aplikatuko da.

**BEDERATZIGARREN TITULUA
AZKEN XEDAPENAK**

» **35. artikulua.**

Zerbitzu jakin batzuen erabilera beste artikuluko osagarri eta hedatuago batzuk egiteko motibo izan daiteke, erabiltzaileek hobeto ulertzeko.

» **36. artikulua.**

Erregelamendu honetan aipatzen ez diren kasuak, hasiera baten behintzat, Udalaren Kirol Zerbitzuko arduradunek ebatziko dituzte.

» **37. artikulua.**

Erregelamendu honi egin dakizkiokeen aldaketak modu egokian emango dira argitara, ahalik eta gehien ezagutarazteko.

» **38. artikulua.**

Honako Erregelamendu hau, onesteko behar dituen tramite guztiak bete ondoren, Gipuzkoako Aldizkari Ofizialean argitara eman eta hamabost egunera sartuko da indarrean.»

Lasarte-Orian, 2006ko martxoaren 9an
